

TEZAUUR LITURGIC

4 AUGUST

ACATISTUL SF.7 MUCENICI DE LA EFES



MOSCOVA, 2000



Акафист

святым Седми отроком

Ефесским

Кондак 1

Избраннии от воскресшаго плотию из мёртвых Христа́ Бóга, во уверение общаго всѣх воскресѣния ми́ру явлѣннии, предивнии отроцы, иже во Ефѣсе, прославляюще просла́вльшагося в вас Гóспода, похвальная пѣния возно́сим вам, глаго́люще:

Ра́дуйтесь, страсотѣрпцы Христо́вы, всемирнаго воскресѣния мёртвых пречуднии проповѣдницы.

Икос 1

А́нгелов Творецъ, вѣдый изначала несумнѣнную крѣпость исповѣдания ва́шего, сотвори́ вас в лю́тых обстоя́нних провозвѣстники бы́ти общаго всѣх воскресѣния, яко ангелоподобныя свидѣтели ева́нгельскаго обетова́ния. Сицевóму о нас смотре́нию Бóжию дивя́щися, во благоговѣ́инстве зове́м си́це:

Ра́дуйтеся, свѣтлыя звѣзды грядúщаго воскресѣния;

ра́дуйтеся, преслáвнии лучи́ Христа́ Спа́са воскресшаго.

Ра́дуйтеся, деннице вели́каго дне́ Господня́;

ра́дуйтеся, из домо́в неверныхъ верная́ Христу́ ча́да явившиися.

Ра́дуйтеся, в чúдный свѣт и свобóду сыно́в воскресѣния призваннии;

ра́дуйтеся, Ду́хом Святы́м в проповѣдники глаго́лов живота́ вѣчнаго избранныи.

Ра́дуйтеся, страсотер́пцы Христо́вы, всемирнаго воскресѣния мѣртвыхъ пречуднии проповѣдницы.

Конда́к 2

Ви́дяще васъ родители́ разумъ до́бр имúщая, потщáшася в чинъ во́инский дружи́ны царевы́ васъ устро́ити; вы́ же, вся́ тленна́я ми́ра презрѣ́вше, в Сио́н горний к Царю́ Небѣ́сному сердце́ свои́ми востекóсте, да яко́ друзи́ Бóжии и служите́лие та́йны о́бщаго воскресѣния вменѣ́нни бúдете, пою́ще Христу́: Аллилу́ия.

И́кос 2

Ра́зум Хри́стов чы́стыми ду́шами восприя́ти
сподо́бившеся, дивни́и о́троцы, посреде́
грехо́вныя жи́зни swéрстник ва́ших благода́тию
Хри́сто́вою соблюда́еми, друг ко дру́гу любо́вию
и еди́нени́ем ду́ха бра́тие яви́стеся, и во еди́но
сверше́нни бы́сте. Сего́ ра́ди приими́те от нас
похва́лы сия́:

Ра́дуйтеся, еди́ною ба́нею пакибы́тия
возрожде́ннии;

ра́дуйтеся, любо́вию Хри́сто́вою а́ки бра́тие
соедине́ннии.

Ра́дуйтеся, Це́ркве Бо́жия ча́да возлю́бленная;
ра́дуйтеся, А́нгелов Бо́жиих собе́седницы.

Ра́дуйтеся, па́че бра́шен есте́ственных
и́стинным хле́бом жи́зни себе́ пита́вши;

ра́дуйтеся, се́ю пи́щею чрез благода́ть
Свята́го Ду́ха от сме́рти в жи́знь процвётшии.

Ра́дуйтеся, страстоте́рпцы Хри́стовы,
всеми́рнаго воскресе́ния ме́ртвых пречу́днии
пропове́дницы.

Кондак 3

Сила Вышняго, тайнники благодати в злостраданиях укрепляючи, сих венцем добропобедным исповедания увенчати пред человеки и ангелы сподоби, нас же научи пети Богу: Аллилуия.

Икос 3

Имуще тщание в дом Господень на молитву по вся дни приходити, никакоже сего обычая отвергостеся, святии, гонению Декиеву бывшу; еже уведевше врази веры Христовы, царя о сем известити потщашася, обаче мучителя прещения на прославление вам силою Божиею пременишася. Таковому убо о вас Божию промышлению радуящеся, со умилением глаголем вам сице:

Радуйтесь, темныя силы князя мира сего благодатию Христовою сокрушивши;

радуйтесь, злобу и коварство слуг его всепобедно посрамивши.

Радуйтесь, козней и прещений их не убоявшиися, ниже смутившиися;

радуйтесь, помощию Божиею видимо укрепившиися.

Ра́дуйтеся, я́ко дре́вле Дани́ил в пеще́ре
льво́ве, посреде́ мучи́телей сохрани́нии;

ра́дуйтеся, си́лою Влады́чною из среды́ их
неврежде́нно изведе́нии.

Ра́дуйтеся, страстоте́рпцы Христо́вы,
всеми́рнаго воскресе́ния ме́ртвых пречу́днии
пропове́дницы.

Конда́к 4

Бу́рею я́рости дви́жим, злочести́вый Де́кий
ца́рь во гне́ве святы́я вопроша́ет: почто́ не бы́сте
с на́ми в пра́здник бого́в, всю́ вселе́нную
призва́вших к покло́нению? Ему́же
Максимилиа́н, еди́н от седми́, отвеща́ет: има́мы
еди́наго Бо́га и Ца́ря, и́же на небеси́, Ему́же
прино́сим на вся́к ча́с же́ртву хвалéния,
испове́дания и молéния, пою́ще Ему́: Аллилу́ия.

И́кос 4

Слы́шав нечести́вый ца́рь, ка́ко ве́ру ва́шу со
дерзнове́нием испове́даете, че́сти во́инския
лиши́ти ва́с повеле́, и та́ко испытáния ва́ша
Христа́ ради́ нача́шася, Хри́стом скоропослу́шно
в пречу́дное успе́ние преображе́нная. Те́мже и
ны́не кре́пость в испытáниях от Бо́га умоли́те
пою́щим:

Ра́дуйтеся, во́ини ца́ря земна́го, к во́инству
Ца́ря небеса́наго сопричте́ннии;

ра́дуйтеся, че́сть земну́ю оста́вльшии, да
сла́ву небеса́ную восприимете.

Ра́дуйтеся, земны́я че́сти за Христа́
лише́ннии;

ра́дуйтеся, сего́ ра́ди венцы́ нетле́нными от
Него́ увенча́ннии.

Ра́дуйтеся, побе́ды Его́ пропове́дницы
явле́ннии;

ра́дуйтеся, сла́вы Его́ ве́чныя седмочи́сленное
блиста́ние.

Ра́дуйтеся, страстоте́рпцы Христо́вы,
всеми́рнаго воскресе́ния ме́ртвых пречу́днии
пропове́дницы.

Конда́к 5

Божество́вныя любве́ тепло́ю гре́емии,
блага́тию Христо́вою от мучи́телей покрове́ни
яви́лися есте́, святи́и о́троцы, Максимилиа́не,
Иамвли́ше, Мартини́ане, Ио́анне, Диони́сие,
Ексакусто́диане же и Анто́нине, в ле́тах ю́ных
красоту́ вну́тренняго челове́ка с ле́потою
внеше́ною сочета́вающе и, я́ко А́нгели, в пла́мени

исповѣдания ва́шего воспева́юще Бо́гу:
Аллилу́ия.

И́кос 5

Ви́дев злохитрый ца́рь Де́кий zeló благоле́пную ю́ность ва́шу, на не́колико днѣй и осла́бу от у́з ва́м да́рует, прельсти́ти ва́с ко отрече́нию от Христа́ наде́ясь. Вы́ же, во своя́си отше́дше, серебро́ и зла́то ни́щим разда́ти потща́стесь, ко исхо́ду себе́ уготовля́юще. Сего́ ра́ди воспису́ем ва́м похва́льная сия́:

Ра́дуйтесь, зако́снѣвшаго во зле́ мучи́теля на не́кое милосе́рдие подвѣгшии;

ра́дуйтесь, младе́нческою крото́стию ва́шею кова́рную злобу́ его́ на вре́мя угаси́вшии.

Ра́дуйтесь, красо́тою сыно́в све́та злообра́зныя служи́тели греха́ плени́вшии;

ра́дуйтесь, Ду́ха Свята́го благода́тию кова́рство их побѣ́дно посра́ми́вшии.

Ра́дуйтесь, чрез разда́ние земны́х бога́тств сокрови́щем небе́сным обогати́вшиися;

ра́дуйтесь, и на́с взаи́м дава́ти Бо́гу навча́ющи, да бога́тство неоскудева́емое на небе́сах обря́щем.

Ра́дуйтеся, страстоте́рпцы Христо́вы,
всеми́рнаго воскресе́ния ме́ртвых пречу́днии
пропове́дницы.

Конда́к 6

Пропове́дует пеще́ра горы́ Охло́н чу́дную
сла́ву ва́шу, святии́ о́троцы, де́бри бо и верте́пы
ея́ моли́твою ва́шею облагоуха́ли есте́, отону́дуже
на тве́рди церко́вней, я́коже зве́зды сла́вы
небе́сныя, из мра́ка гробо́в чу́дно возсия́вшыя,
яви́стеся и на́с Первонача́льнику́ о́бщаго
воскресе́ния Христу́ Бо́гу пе́ти научи́сте:
Аллилу́ия.

И́кос 6

Воссия́ти хотя́ лю́дем све́т и́стины, мглу́ же
заблужде́ния разгна́ти, Христо́с Бо́г снíti ва́м
во мра́к моги́льный соизво́ли я́ко да по́слежде в
ди́внем воста́нии ва́шем о́бщее воскресе́ние
уве́рит. Пред тако́вым Бо́жиим о ва́с
благоволе́нием преклоня́ющеся, возсыла́ем ва́м
хвалéния сия́:

Ра́дуйтеся, тве́рдости ра́ди испове́дания от
му́к промы́слительно изба́вленнии;

ра́дуйтеся, и на́с кре́пце за пра́вду бра́тися
науча́ющи.

Ра́дуйтеся, безболéзненно по́двиг ва́ш сконча́вший;

ра́дуйтеся, чу́дным сна́м почи́вши, во е́же воста́нием от сего́ сна́ сме́рти мглу́ заблужде́ния разсе́яти.

Ра́дуйтеся, в нетле́нии теле́с ва́ших Го́сподем соблюде́ннии;

ра́дуйтеся, пре́жде о́бщаго воскресе́ния изволе́нием Бо́жиим воста́вши.

Ра́дуйтеся, страстоте́рпцы Христо́вы, всеми́рнаго воскресе́ния ме́ртвых пречу́днии пропове́дницы.

Конда́к 7

Хотя́ безбо́жный ца́рь ну́ждею к идоло́служе́нию святы́я привле́щи, па́ки пра́здник идо́льский устро́яет и ты́я на́нь приве́сти повелева́ет; не обрётшым же те́х во гра́де Ефе́се слуго́м его́, роди́тели их ка́знию устраши́ти тщи́тся, но от си́х извеще́н быва́ет, я́ко святы́и в пеще́ре сокры́шася, воспева́юще Бо́гу: Аллилу́ия.

И́кос 7

Но́вое устремле́ние зло́бы ми́р яви́л е́сть, егда́ роди́телие ме́сто поко́ища ча́д свои́х царéви

открѣша, и тако любвѣ ѡтчия к нѣм отрѣкошася.
Сего ради ко избранником Божіим глаголем
сице:

Радуйтеся, міром отвѣрженнии и Небо
восприявшии;

радуйтеся, Отца ради Небеснаго отцы
земными преданнии.

Радуйтеся, отеческою любовію Его в
тайнственном снѣ чудно сохраненнии;

радуйтеся, нетленіе улучившии и мір свѣтом
воскресенія осиявшии.

Радуйтеся, путь к сему дивному свѣту нам
указующии;

радуйтеся, час кончины сбытіем обетованія
Божія нам услаждающии.

Радуйтеся, страсотѣрпцы Христовы,
всемирнаго воскресенія мертвых пречуднии
проповѣдницы.

Кондак 8

Странное и преславное чудо всемогущества
Божія на вас, святіи ѡтроцы, показася,
камением бо по повеленію Декиеву в пещере
загражденнии и печатію запечатленнии, сто и
осмьдесят лѣт даже до дній царя Феодосія тамо

спя́ще пребы́ли есте́, воста́вше же а́ки живи́и, саддуке́йское мудрова́ние посра́мили есте́, пою́ще Христу́, ва́с воскреси́вшему: Аллилу́ия.

И́кос 8

Ве́сь седмочи́сленный испове́дников ли́к, во гробе́ ка́меннем заклю́чен бы́в, жи́зни ве́чныя ника́коже отлучи́ся, но исте́кшим сто́м и осми́десятым ле́том со́н от очес́ их произво́лением Бо́жиим отрясе́ся, и та́ко святи́и о́троцы живи́и воста́ша, ве́сь ми́р о воскресе́нии все́х уверя́юще и на́с пе́ти навча́юще си́це:

Ра́дуйтесь, упова́ние о́бщаго воскресе́ния обетова́нием Бо́жиим утвержда́ющих;

ра́дуйтесь, краеуго́льнаго ра́ди Ка́мене Христа́ Бо́га ка́меннем во гробе́ загражде́ннии.

Ра́дуйтесь, Его́ ра́ди, во гробе́ запечатле́ннаго, печа́тию запечатле́ннии;

ра́дуйтесь, А́гнцем, вземши́м на Себе́ грех ми́ра, от у́з сме́рти свобо́жденнии.

Ра́дуйтесь, во увере́ние о́бщаго воскресе́ния, я́коже Ла́зарь четверо́днэвен, из гроба́ изведе́ннии;

ра́дуйтесь, числу́ седми́ херувим, Престо́лу сла́вы Бо́жия предста́ющих, сообра́знии.

Ра́дуйтеся, страстоте́рпцы Христо́вы, всемирна́го воскресе́ния ме́ртвых пречу́днии пропове́дницы.

Конда́к 9

Вся́кое естество́ а́нгельское возра́довася о чу́дном по мно́зех ле́тах воста́нии ва́шем и ужа́сашеся: ка́ко вы́, пресла́внаго у́бо чудесе́, о ва́с бы́вшаго, не ве́дуще, обы́чное целова́ние дру́г дру́гу пода́ете и у́треннее пе́ние Го́споду, а́ки вче́ра ко сну́ отше́дшии, прино́сите, пою́ще: Аллилу́ия.

И́кос 9

Ветийству́ющий язы́к не возмо́жет изрещи́ чуде́с Твои́х, Го́споди, ве́мы бо, ка́ко блаже́нный о́трок Иамвли́х, многоле́тняго успе́ния своего́ не разуме́я и во гра́д за пи́щею исше́дый, удиви́ся, егда́ Ефе́с, Христо́вою ве́рою изда́вна просвеще́нный, уви́де, и Го́спода просла́ви, на́с же глаго́лати сотвори́ такова́я:

Ра́дуйтеся, де́лателие на ни́ве Госпо́дней, моли́твенныя слéзы оби́льно проли́вшии;

ра́дуйтеся, в ску́дости и гоне́нии почи́вшии, во сла́ве и бога́тстве воста́вшии.

Ра́дуйтеся, зрѣнием торжества́ вѣры Христо́вы, во дни́ ва́ша гонимы́я, по воста́нии обра́дованнии;

ра́дуйтеся, побѣду Христа́ над ми́ром я́ве узрѣвшии.

Ра́дуйтеся, и нас на сию́ упова́ти науча́ющи; ра́дуйтеся, от уны́ния нас огражда́ющи.

Ра́дуйтеся, страстоте́рпцы Христо́вы, всемирнаго воскресѣ́ния ме́ртвых пречу́днии проповѣдницы.

Конда́к 10

Спасти́ хотя́ Бо́г и в вѣре утверди́ти лю́ди, сия́ о многоле́тнем успѣнии Иамвли́ха чрез дре́вний пе́нязь, на то́ржище имъ принесѣ́нный, науча́ет, еписко́пу гра́да сия́ уразуме́вшу и Бо́га просла́вившу с пе́снию: Аллилу́ия.

И́кос 10

Стена́ и утвержде́ние вѣры яви́стеся, свя́тии, челове́ком, в пещѣ́ру ва́шу прише́дшим и ковче́жец с харти́ею обрѣ́тшым, на нейже имена́ ва́ша и кончи́ны о́браз напи́сана бы́ша, во е́же пе́ти все́м:

Ра́дуйтеся, се́дмь избра́нных сосу́дов Бо́жиих;

ра́дуйтеся, вку́пе со святы́ми му́ченики елеем
ра́дования пома́заннии.

Ра́дуйтеся, се́дмь свети́льников пред
Престо́лом Ходата́я Бо́га и челове́ков;

ра́дуйтеся, се́дмь тру́б благове́стия второ́го
прише́ствия Сы́на Челове́ческаго.

Ра́дуйтеся, се́дмь а́нгел, благовествующих на́м
сла́ву до конца́ претерпе́вших;

ра́дуйтеся, я́ко седмисвещник златы́й,
це́рковь Бо́жию украша́ющи.

Ра́дуйтеся, страстоте́рпцы Христо́вы,
всеми́рнаго воскресения́ ме́ртвых пречу́днии
пропове́дницы.

Конда́к 11

Пе́ние благодарственное Пресвяте́й Тро́ице
вознося́, благочестивый ца́рь Феодо́сий со
тщанием во Ефес устремися́, во е́же святы́я
о́троки ви́дети, и се́дмь дний та́мо пребыва́ше,
до́ндеже сий, главы́ прекло́нше, ду́х сво́й
Го́споду преда́ша, купно́ с ними́ победную́
возсыла́я пе́снь Христу́ Бо́гу: Аллилу́ия.

И́кос 11

Свети́льницы, тьму́ е́реси разгоня́ющи,
яви́лися есте́, святии о́троцы, све́том нетле́ния

ва́шего сия́ющей и блаже́нным по воста́нии па́ки успе́нием и́стину гряду́щаго живо́та утвержда́ющей, саддуке́йское бо мудрова́ние посрамивше, вся́ раздо́ры церко́вныя ути́шили есте́, о́бщее воскресе́ние вку́пе с дре́вним Ла́зарем уверя́юще. Те́мже, благода́ряще о́ сём Го́спода, со умиле́нием зове́м ва́м:

Ра́дуйтесь, ско́рбное жити́е на́ше до́брым упова́нием осиява́ющей;

ра́дуйтесь, посреде́ во́лн жити́я сего́ к приста́нищу небе́сному на́с направля́ющей.

Ра́дуйтесь, я́ко зве́зды, во оти́шие блаже́ннаго поко́я в черто́зе Христо́ве на́с путево́дящей;

ра́дуйтесь, блаже́нство ве́чное, скорбя́щим угото́ванное, благовеству́ющей.

Ра́дуйтесь, я́ко недосто́йны су́ть страсти ны́нешняго вре́мене к бу́дущей сла́ве, уверя́ющей;

ра́дуйтесь, до́блии ве́стницы ца́рства небе́снаго бы́вшии.

Ра́дуйтесь, страсоте́рпцы Христо́вы, всеми́рнаго воскресе́ния ме́ртвых пречу́днии пропове́дницы.

Кондак 12

Благода́ть даде́ся ва́м от Бо́га, во е́же вся́ любя́щая и чту́щая вы́ в чу́дный свѣт Его́ руково́дствовати. Те́мже и на́шея жи́зни ско́рбный пу́ть кре́пкою наде́ждою воскресе́ния оза́рите, от грехо́вныя поги́бели на́с соблюди́те и в ча́с сме́ртный на́м предста́ните, да ва́шим заступле́нием невече́рняго свѣта вели́чества Бо́жия и мы́ грѣшнии дости́жем, иде́же с ли́ки пра́ведных воспо́им о ва́с Бо́гу: Аллилу́ия.

И́кос 12

Пою́ще дивное прославлéние си́лы Бо́жия в ва́с, святи́и о́троцы, ублажа́ем вы́, я́ко заступники́ и моли́твенники́ на́ша пред Го́сподем, и с любóвию, святéй икóне ва́шей предсто́яще, возглаша́ем ва́м хвалéния сия́:

Ра́дуйтесь, в Росси́стей земли́ гра́да Ста́рицы похвало́ и утвержде́ние;

ра́дуйтесь, вся́ окрѣстныя ве́си сла́вою благода́тныя по́моци ва́шея испо́лнившии.

Ра́дуйтесь, боля́щих младе́нцев прибе́жище и исцелéние;

ра́дуйтесь, скорбе́й родите́лей их нелóжное врачевáние.

Ра́дуйтеся, всём любящим и чтущим вы́ покрове и огражде́ние;

ра́дуйтеся, всего́ ми́ра христиа́нского по́моще и заступле́ние.

Ра́дуйтеся, страстоте́рпцы Христо́вы, всеми́рнаго воскресе́ния ме́ртвых пречу́днии пропове́дницы.

Конда́к 13

О чу́днии о́троцы, све́том небе́сных сла́вы ва́шея и увере́нием несконча́емаго живо́та ско́рбный пу́ть жити́я на́шего озаря́ющи! Приимите ма́лое сие́ моле́ние на́ше и не отрини́те нас, притека́ющих к ва́м: моли́те при́сно всех Влады́ку, да и мы́ райскаго черто́га не лише́ни бу́дем, но вку́пе со святы́ми воспо́йм та́мо Христу́ Бо́гу: Аллилу́ия.

Этот конда́к чита́ется три́жды, зате́м и́кос 1 и конда́к 1.

Моли́тва пе́рвая

Бо́же вели́кий, хва́льный и непостижи́мый, и неисповеди́мый, созда́вый челове́ка руко́ю Твое́ю, пе́рсть взе́м от земли́, и о́бразом Твои́м почтíвый его́, Иису́се Христе́, прежела́емое и́мя, со Безнача́льным Твои́м Отце́м и с Пресвяты́м, и

Благим, и Животворящим Твоим Духом, явися на рабе Твоем (имярек), и посети его душу и тело, умоляем от преславныя Владычицы нашея Богородицы и Приснодевы Марии, святых Небесных Сил Безплотных, и честнаго славнаго пророка, и Предтечи и Крестителя Иоанна, святых славных и всехвальных апостолов, иже во святых отец наших, и вселенских учителей, Василия Великаго, Григория Богослова, Иоанна Златоустаго, Афанасия и Кирилла, Николая иже в Мирех, Спиридона чудотворца, и всех святых священноначальников, святаго апостола первомученика и архидиакона Стефана, святых славных великомучеников Георгия Победоносца, Димитрия Мироточца, Феодора Стратилата, и всех святых мучеников, преподобных и богоносных отец наших Антония, Евфимия, Саввы Освященнаго, Феодосия общаго жития начальника, Онуфрия, Арсения, Афанасия Афонскаго, и всех преподобных, святых и исцелителей, безсребренников Космы и Дамиана, Кира и Иоанна, Фалалея и Трифона и прочих, святаго праведнаго Иоанна Кронштадтскаго, святаго преподобнаго Иоанна Рыльского, святыя блаженныя Ксении Петербуржской и всех Твоих святых. И даждь

ему сон упокоения, сон телесный здравия и спасения и живота, и крепость душевную и телесную, якоже посетил еси иногда Авимелеха угодника Твоего во храме Агриппове, и дал еси ему сон утешения, еже не видети падения Иерусалимова, и сего успивый сном питательным, и паки сего воскресивый во едином мгновении времени, в славу Твоея благодати. Но и святыя Твоя славныя седмь отроки, исповедники и свидетели Твоего явления показавый, во дни Декия царя и отступника, и сия успивый в вертепе на лет сто и осмьдесят, яко младенцы согреваемыя в ложеснах матере своея, и никакоже претерпевшыя тления, в похвалу и славу человеколюбия Твоего, и в показание, и извещение нашего пакибытия, и воскресения всех. Сам убо Человеколюбче Царю, предстани и ныне найтием Святаго Твоего Духа, и посети раба Твоего (имярек), и даруй ему здравие, крепость, и благомощие, Твоею благодатию, яко от Тебе есть всяко даяние благо, и всяк дар совершен. Ты бо еси врач душ и телес наших, и Тебе славу и благодарение и поклонение возсылаем, со Безначальным Твоим Отцем, и с

Пресвяты́м, и Благы́м, и Животворя́щим Твои́м
Ду́хом, ны́не и пры́сно, и во ве́ки веко́в. Ами́нь.

Моли́тва второ́я

О пречу́днии святы́и седмочи́сленнии о́троцы,
Ефе́са гра́да похва́ло и всея́ вселе́нныя
упова́ние! Воззри́те с вы́соты́ небе́сныя сла́вы на
на́с, любóвию па́мьятъ ва́шу чту́щих, наипа́че же
на младе́нцы хри́стиа́нския, ва́шему
заступле́нию от роди́телей свои́х
препоруче́нныя. Низведе́те на ня́ благослове́ние
Хри́ста́ Бо́га, ре́кшаго: оста́вите дете́й
приходи́ти ко Мне́. Боля́щия у́бо в них исцели́те,
скорбя́щия утэ́шите; сердца́ их в чистоте́
соблюди́те, крото́стию испо́лните я́, и в земли́
серде́ц их зерно́ испове́дания Бо́жия насади́те и
укрепи́те, во е́же от си́лы в си́лу им возраста́ти.
И все́х на́с, святе́й ико́не ва́шей предсто́ящих
рабо́в Бо́жиих (имяре́к), и те́пле ва́м моля́щихся,
сподо́бите Ца́рствие Небе́сное улу́чити и
немол́чными гласы́ ра́дования та́мо прославля́ти
велико́ле́пое и́мя Пресвяты́я Тро́ицы, Отца́ и
Сы́на и Свята́го Ду́ха, во ве́ки веко́в. Ами́нь.